

XIV

232.646

ABBREGE
DE LA VIE.
RVSE, CAVTEL-
LE, MORT, TRESPAS, OBSE-
QVES ET FVNERAILLES DV MARQUIS
d'Ancre, & de tout ce qui s'est passé
depuis sa mort.

*Avec son Origine & declaration des biens qui luy
furent donnez en Mariage.*



A PARIS,
Chez la veufue Iean du Carroy, rue
de Rheims, pres le College.

M. DC. XVII.


ALBION

DE LA VILLE

39.13.14.15.16.17.18.19.20.21.22.23.24.25.26.27.28.29.30.31.32.33.34.35.36.37.38.39.40.41.42.43.44.45.46.47.48.49.50.51.52.53.54.55.56.57.58.59.60.61.62.63.64.65.66.67.68.69.70.71.72.73.74.75.76.77.78.79.80.81.82.83.84.85.86.87.88.89.90.91.92.93.94.95.96.97.98.99.100.

16/7/2006

16/7/2006



A PARIS

Chez la veuve Jean de Courcy, rue de Rhodan, pres le Collège de la Vierge.



ABBREGE' DE LA VIE,
ruse, cautelle, mort, trespas, obseques,
& funerailles, &c.



Melpomene ou vas-tu? où vas tu Mel-
 pomene?

Tu cours à l'abandon, quelle cause te
 mene?

D'où vient ton allegresse? L'o y s
 est-il vainqueur?

Dy moy fait il trembler ses ennemis de peur?
 Tes huit sœurs m'ont quitté, & à moy tu t'adresse:
 Pense tu que ie fois de telle hardiesse,
 Pour aller à la Cour en ma barbe premiere,
 Entonner là mes vers, d'une façon grossiere?
 Que veux-tu que ie die, que veux-tu que ie face:
 Veux-tu point que ie chante enorgueillly d'audace
 La valeur de L o y s, ses faits & ses prouïesses,
 Comment il s'est trouué aux hazards & détresses,
 Comme il cherche la paix par toutes ces Prouïnces
 Trahy de ses subiects, abandonné des Princes.
 Helas! l'esprit me manque ou la matiere abonde,
 Ie n'ay beu d'Hypocrene en la source seconde,
 Ie n'ay iamais dormy où les Poëtes mignons,
 Naissent en yne nuit comme des Potirons,
 Comment, que ie d'escrine les sanglantes batailles
 Les furieux combats, cause des fuuerailles,
 De mille bons François, qui desireux de gloire

Ont desiré mourir en gaignant la victoire.
 Quoy, que ie renouvelle ces cruelles douleurs,
 Que nous auons receu des paniques terreurs,
 Des rediteux coyons, las! c'est trop enduré:
 Nous auons trop gemy, nous auons trop pleuré,
Te Deum laudamus, te dominum Confitemur,
Te aeternum Patre, omnis terra veneratur. (maistre,
 Vrayement l'on cognoist bien que Dieu est partout
 Et qu'il ayme celuy à qu'il a donné l'estre,
 Il nous a bien monstré que sa grand' prouidence,
 D'une fortune auégle n'est pas sous la Regence:
 Qu'encore moins Cloton gouuerne les mortels,
 qu'il ne faut point qu'a elle nous dressions nos autels.
 Il n'y a que luy seul qui voye les destours,
 Qui sont en nostre cœur tous ses tours, & retours,
 Il n'y a que luy seul qui nous peut aduancer,
 Comme il est aussi seul qui peut desauancer,
 Fortune n'y fait rien, la course vagabonde,
 Son Globe tournoyant sur la machine ronde,
 Son voile de tenebres & sa rouë inconstante,
 Sont toutes fictions que le Poëte chante.
 Descouurons, abbatois le masque de mensonge,
 Voyons la verité sans se fier au songe,
 Je diray simplement tout ce qu'en ma presence,
 L'on a fait au Coyon pour toute recompence,
 Je ne feray Poëte, ains tesmoin oculaire,
 Sans animosité sans luy estre aduersaire,
 Dieu donc qui seul peut veoir tout nos affections,
 Et qui seul peut broffer parmy nos passions,
 Qui a l'homme plus cher que l'homme n'a soy mesme,
 Cognoissant le peril & le malheur extremes,
 Qui nous suiuoit de pres, il en a pris pitié,
 Et à tous ces malheurs il a remedié.

Entendant les prieres & les tristes sanglots,
 Les larmes & les pleurs de ses peuples deuots:
 Et desia preuoyant la future grandeur,
 A laquelle aspireroit cét Icare en malheur,
 Qui superbe pensoit de ses ailes de cire
 Se faire redouter & auoir vn Empire,
 Mais sa trop basse cheutte il ne peut euitier
 C'est icy que ie veux, ô Muse, m'arrester,
 Avec toy contemplant les succez miserables,
 Les tristes accidens comme ils sont variables,
 Ie veux avec toy veoir ce Pauvre ambitieux,
 Qui cōme vn fier Nemrod veut escheler les Cieux,
 C'est à toy que i'en veux Braquemard barbouillé
 Pour te dire en vn mot toute la verité,
 C'est à vous mille liures que ma Muse s'adresse,
 Elle vous veut monstrier vostre maistre en detresse,
 A vous qui pour hantier & la Cour & les Princes,
 Vous faites accommoder d'habits douilletts & minces,
 Vos gentils, petits, friques, & trouffez matelins,
 Qui escartez vos bras en ailes de moulins, (mâde,
 Toustours sur les roignōs, quād quelque grād vous
 Vous frisez vostre poil comme barbets d'Holande,
 Et marchez graüement, releuant la moustache,
 Ou bien entortillez au chapeau le pennache,
 Ayant vn ferré-cul des chausses en bourelet,
 Emboutis, rebondis, comme vn bas de Mulet,
 Ie ne vous veux taxer ie ne suis pas Satyre,
 Mais prenez garde à vous, vous pouuez auoir pire,
 Genereux courtisāns d'vn si genereux maistre,
 Coyon dis ie Coyon de ce Coyon si traistre:
 Vrayement tu n'es pas digne de te nōmer François,
 Toy quiconque a seruy cét estranger mattois:
 Ie veux bien que tu fusse de basse qualité,
 Tu deuois toutefois aymer ta liberté,

Pense tu que ton maistre fust de plus noble race,
 Pour aller apres luy & le suyure à la trace:
 Non c'estoit vn coquin, qui prist en mariage
 Vne femme fort pauvre & de fort bas lignage,
 Quand il fut marié son beau-pere pour dotuaire,
 Luy donna vne table avecque vne armoire,
 Puis il eut pour son meuble, six tabourets de paille,
 Vn buffet, deux chasslis, 6. escaelles, deux toüailles,
 Deux bahuts, vn coffret, deux escabeaux sans piez,
 Qui tombant en la place, venoient d'estre estropiez,
 Tenez dit-il mon gendre, soyez bon mesnager,
 Je vous feray demain vn beau garde manger.
 I'ay fait les deux chasslis, & le reste du meuble,
 Gardez bien la ciuiere, car elle est vn peu foible,
 Apres auoir tenu ces propos en pleurant
 Luy dist, Adieu mon gendre, Adieu mō cher enfant,
 Et puis prenant son meuble le porte en sa maison,
 Ou il y faisoit clair comme en vne prison,
 Il contemple sa table, son buffet, son armoire,
 Ses chaires, ses chasslis, & sa belle ciuiere,
 Il l'a prend aussi tost, & la charge de fiens,
 Attachant aux deux bras, des sanc's & des liens,
 Cependant que sa femme & toute sa famille,
 Sur le seuil de la porte traualloient de l'eguille,
 Mais en fin s'ennuyant d'estre ainsi malheureux,
 Il quitte son pays, & d'un cœur genereux,
 Apres auoir long temps vescu en la Florence,
 Sans gloire, sans honneur, voulut venir en France,
 Pour pousser sa fortune. Il va droict à Paris,
 Sa mere ayant nourry la grande Medicis.
 Qui le recognoissant, ha! bon Dieu quelle chere,
 Que ne fait elle point à cause de sa mere;
 La patrie l'oblige, & puis sa nourriture,
 En cela ne voulant repugner à nature,

Sans regarder qu'il est luy fait plusieurs faueurs,
 I'esleue aux Dignitez, aux Grades & Honneurs:
 Bon Dieu que n'a-il point ? il est par sus les Princes,
 Luy donnant de la France les plus belles prouinces,
 Il est bien à son aise, il amasse de l'or,
 Sans songer toutesfois à la prochaine mort.
 Il a force Palais magnifiques & beaux,
 Il a presque de France tous les plus forts chasteaux:
 Bref il ne trouue rien qui luy soit difficile,
 Il a des gens de guerre, & tout luy est facile,
 Il est pres de la Reine tousiours à ses oreilles,
 Il fait le Conseiller luy chantant des merueilles.
 Ha! n'a-ce pas esté par son commandement,
 Qu'on a mis nostre Prince pour estre seurement
 Voyant bien qu'il vouloit remettre nostre France
 En pleine liberté, pour en prendre vengeance?
 Feignât qu'il la vouloit mettre aux abbois de mort,
 Et pour la renuerfer qu'il faisoit son effort.
 Quoy! pour la renuerfer n'estoit-ce pas Conchine?
 Qui tenoit ses propos pour en voir la ruine.
 Helas! il est bien vray, mais l'on ne scauoit pas,
 Vostre dessein, mon Prince, ne le descourant pas,
 Vos cōpagnōs vous quittent voyāt ainsi leur Prince
 S'en retournant bien-tost chacun en sa prouince,
 Et ne perdant point temps chacun reprend courage,
 Chacun monte à cheual, chacun plie bagage
 Chacun quitte la Cour, sçachant bien que le roy
 Ne se contenteroit de leur donner l'effroy:
 Mars leur vient au deuant, la sanguine Belonne,
 Les anime au combat & leur cœur esguillonne,
 Leur enrourant le chef d'un morion profond
 Qu'ils laissent deualer sur la vouste du front.
 La Vengeance les suit, qui d'un cœur soupirant,
 Les ayant attrapé leur va ainsi parlant:

O Princes genereux qui des vostre bas age en est
 Ne sentez que le sang, que fureur & que rage:
 Voyez mes chers enfans, l'ébusche qu'o vous dresse
 Où est vostre courage? où est la hardiesse?
 Qui a fait autresfois les cheueux herisser
 Aux plus preux qui à vous se vouloient adresser
 C'est maintenant qu'il faut acquerir de la gloire,
 C'est maintenant qu'il faut obtenir la victoire,
 Courage mes enfans, nous auons eu du pire,
 Il faut auoir du mal pour auoir vn Empire:
 Aujourd'huy si fortune est aux humains contrainte,
 Demain elle rira & leur sera prospere,
 L'Ocean n'est tousiours d'Aquilon agité,
 Car apres la Bourasque suit la prosperité,
 Apres la triste pluye nous auons le beau temps:
 Allons donc braues Princes, & ne perdés point tēps,
 Papperçois qu'vn chacun grande joye de Meins,
 Et pour auoir du Bon mal ne pleindra sa peine.
 Je vois biē qu'aux premiers desia le sang Bouillonne,
 Car le desir de vaincre allez vous Esquillonner,
 Pour vous bien animer ne faut Prose Nevers,
 Vous chocquerez par tout à tort & à trauers,
 Dressant vos bataillons sur tout Gare la lande,
 Retournez promptement si le Roy vous remande,
 Il faut laisser les champs prendre vne Longue ville.
 Auec vn bon chasteau qui seruira d'Asyle,
 S'ils craignēt le vent d'hōme, celui-là du Salpestre
 A plus forte raison sera donc bien leur maistre.
 Cependant que les Princes de leurs pensées vaines,
 Laissoiet paistre leur cœur plein d'agoisseuses peines
 Escoutant l'Oratrice, qui par faute de chaise
 Faisoit son Oraison vn peu mal à son aise.
 Au milieu d'vn chemin, & courant à la poste,
 Autant qu'elle en peut dire plus le vent en emporte

Comme

Comme vn Chien cauteleux qui lapant sur la riue
 Du fleuve Egyptien de crainte qu'il n'arriue
 Quelqu' hydre venimeux, lape tousjours courant
 De gorgées en gorgées va la soif appaisant :
 Ainsi ceste mastine court en les exhortant,
 Et tousjours a costé les exhorte en courant
 Ne pouuant acheuer sa harangue en repos
 Quand plusieurs caualiers luy rompent son propos
 Pour suyuant à la poste ceste troupe de Princes
 Qui lors se separa allant en leurs prouinces.
 Laisant là la vengeance qui demeure en sa place;
 Estonnée tremblante & plus froide que glace,
 Mais en fin s'en retourne en l'infernal manoir
 Apres auoir tasché de faire son deuoir,
 Tandis qu'hastiuement ils gaignent les guerets,
 Poussant mille souspirs mille pleurs & regrets;
 Ils tremblent en fieurs : Que di - je de Soissons
 Ils se sont emparez & quittent les frissons,
 Ils ont orné des - ja leurs chef d'une salade
 Entourée de pennaches pour seruir de parade,
 Apres leur hausse col, mettent leur corselet,
 Les brassards les cuissars & puis le gantelet,
 Ils sont en equipage de soustenir l'assault
 Toutes-fois chascun deux sous l'armure tressault
 Lors le traistre Conchin touiours aupres du Roy
 Bien ayse de leur fuitte & de leur desarroy
 Dict, SIRE, punissez ceste troupe mutine
 Qui ne se soucie pas pourueu qu'elle butine.
 Les vens d'homme sont foibles & ne sont suffisant
 De renuerfer vos lis qui s'en vont fleuriſans,
 SIRE ne vous souciez que ce Bouillon Bouillonne,
 Il ne fera iamais tort à vostre Couronne,
 Qu'il tonne, qu'il tēpeste, qu'il culbute & renuerse
 Tout ce qui se presente, qu'il aille à la trauerse,

Qu'il face le collere qu'il se mette en fureur :
 Qu'il fende, qu'il abbate, de son bras foudroyeur
 Qu'il face le mutin qu'il dresse des embusches
 Comme vn vieux routier, qu'il face le farouche
 Vous ne vous souciez point de toute sa cole re
 Car vous l'aurez bien tost come vn chascun espere.
 Les François se preparent à vous rendre seruice
 La fortune promet de vous estre propice,
 SIRE, de ces mutinez l'ingrate outrecuidance
 Procede trop auant, monstrez vostre vaillance,
 Domptez son insolence, captiuez sa rigueur,
 Gaignez sa cruauté, donnez luy la frayeur
 Il ne faut prendre garde à vostre trop bas - age
 Vous auez du pouuoir vous auez du courage,
 Ne scauez vous pas bien que le ieune Scorpion
 A vaincu Hannibal & le graue Caton?
 Le ieune Cleomene Roy de Lacedemone
 N'a il pas emporté d'Arate la Couronne
 Mais Charles de Bourbon ieune, na il pas mis
 Dessous ses pieds vainqueurs ses plus fiers ennemis?
 Il t'en souuient du Guast vn iour qu'a Cerisolles
 Tu te moquois de luy l'attaquant de parolles,
 Te fiant au poil gris qui couuroit ton visage
 A tes propres despens appris à estre sage:
 SIRE, souuenez vous pour n'aller plus auant
 Que nostre grand HENRY encore ieune d'ans,
 A donné la terreur aux plus vaillans soldats.
 Quand il venoit chargé de fleches & de dards.
 Mais que fais tu Conchin, à qui crois tu parler,
 D'animer nostre Roy c'est en vain trauailler,
 Il demande la guerre, il cherche les combats,
 Afin que son courage y prenne ses esbats:
 Ia sans beaucoup attendre commande d'assieger
 Les places qui sous luy ne se voudront ranger,

Pense esteindre la flamme des séditions ciuiles,
Quand il aura reduit ses chasteaux & ses villes,
Il assemble des gens, c'est pour toy, Pierre-font,
Ne te fie en ta force & aux fossez profonds
Qui te ceint à l'entour, n'attens point l'estonnage,
Il vaut biē mieux céder quand on craint du dōmage,
Bien que ta prise soit aux hommes difficile,
Nostre Roy n'est mortel, il luy est fort facile:
N'attēs point qu'il t'attaque accompagné de foudre
N'attēs point qu'il t'abbate & te reduise en poudre,
Car il vaut beaucoup mieux sans faire de refus
Que l'on voye où tu es, que l'endroiēt où tu fus.
Ha! ie voy tu te rends, tu crains par trop la touche,
Tu crains trop les assauts, le combat l'escarmouche,
Tes Citoyens te quittent, ils craignent les approches
Et la mine, & la sappe qu'ils voyent estre proches.
Ils font composition afin que l'on les sauue,
Ils sortent de la ville pour auoir bagues sauue.
Courage, la fortune à nos yeux est propice,
SIRE, Pierre-font vous offre son seruice,
Il reste de reduire en vostre obeissance
Le Chasteau-Porcien d'un peu de resistance,
S'il ne se rend à vous, & ne veut obeir
A vos commandemens, faites-le repentir.
SIRE, vous le pouuez, desia vostre canon
S'en va pour augmenter la gloire & le renom
De vostre Majesté, l'on voit-là vos enseignes
Bruire & voltiger au trauers des campagnes,
Se plier, replier en mille & mille tours,
L'on entend vos trōpettes, vos clairons, vos tåbours
Qui donnent le signal, afin que l'on assaille,
Ce seditieux chasteau & toute sa canaille,
Desia le Mousquetaire a chargé son Mousquet
Pour en viser quelqu'un luy donnant son paquet.

Le courageux piquier branfle tousiours sa pique,
 De peur que les hazards quelque coup luy pratique.
 Le gend'arme culbute, r'enuerse, ttië, abbat,
 Tout ce qui se presente au furieux combat.
 Il fait estinceler les harnois endossez
 De tous ceux qu'il attrape les ayant terrassez.
 Le canon à son tour faict bresche en la muraille,
 Le salpestre petille par toute la bataille,
 A la par fin le Roy s'estant rendu vainqueur
 Les faict sortir du lieu sans vser de rigueur.
 Cependant l'ennemy se voyant agité
 D'une aduerse fortune & par tout mal traitté,
 Demeure tout pensif fasché de l'adventure,
 Des courageux soldats priuez de sepulture,
 Il jure par les fleues de l'infernal manoir,
 Qu'il mettra les Coyons bien tost en son pouuoir,
 Qu'il trempera l'acier de ses sanglantes armes,
 Au corps de ceux qui sont causes de ses alarmes.
 Qu'il les enuoyera tous en la noire contrée,
 Où la mort aux humains va preparant l'entrée,
 Il deuient morne & triste & son passe visage,
 Ne promet rien que sang, que fureur, & que rage.
 Lors vn nouveau malheur deuant luy se presente,
 Qui luy faict plus de mal, & qui plus le tourmente,
 Quand on vient rapporter que le vaillant Guyfard,
 A desia dans Rhétel, planté son estendard,
 Il est tout effrayé au bruit de ses nouvelles
 Il court dedans Soissons, il met des sentinelles,
 Il erre vagabond tout au tour de la ville,
 Craignant quelque Sinon, qui par ruse subtile
 Entre dedans sa Troye, & que sans faire bruit
 Il face entrer ses gens en vne belle nuit. (te,
 C'est là tout ce qu'il craint, c'est tout ce qu'il redou-
 Qu'il arriue autrement, il mettra tout en route:

Laissez ie vous supplie, laissez ceste algarade,
 Nostre Roy ne combat comme vn Audabatade.
 Il est cet Alexandre, qui cupide de gloire,
 Dit, qu'il ne veut la nuit desirer la victoire,
 Voyant comme en plein iour ses gens biē ordōnez,
 Ce grand train de soldats aux armes façonnez,
 Comme ses vieux routiers, suyuant leur Capitaine
 Se promettent bien tost la victoire certaine,
 Les grandes hallebardes, les picques, les espieux,
 Font vn grand bois touffu & s'esleuent aux Cieux.
 Bref les chāps d'alentour formillant de gēs d'armes,
 Font trembler les payfans, au cliquetis des armes,
 Ils approchent tousiours, & desia le fanfare
 Aduertit le soldat que tost il se prepare,
 Le pata, pata, pan, animant ja l'assaut
 Le fait sauter de joye & l'esueille en sursaut,
 Il s'en va pour sommer la ville de se rendre,
 Ou bien ils trouueront cent moyens de la prendre,
 Elle n'a point de peur, elle veut resister
 A toutes les embusches qu'on luy vient apprester.
 Tout cela n'y fait rien, elle ne craint tempeste,
 Ny le triste desastre qui luy pend sur la teste,
 quand le Côte d'Auuergne cognoissant son audace,
 Fait tirer le canon pour auoir ceste place.
 Il commande à ses gens de monter aux eschelles,
 Pour tromper en montant les sourdes sentinelles.
 Les vns sont pour la mine, les autres sont commis,
 Pour embrazer par feu le pont aux ennemis,
 Les bataillons se choquent, d'vn & d'autre costé,
 Chacun fait son effort, pour auoir la Cité:
 Desia des corps meurtris vne pille dresse
 Laisse au tour de Soissons la campagne bossée,
 Cependant que Mayenne entendant le desastre,
 Est plus encouragé & plus opiniastre:

Bref il ne s'en peut taire, le desir de vengeance
 qui luy ronge le cœur le met en grand' souffrance,
 Il arrange ses gens, il les met en bon ordre,
 Monstrant bien que par là il y veut aussi mordre,
 Ceux qui marchét deuât se font des gēs tout graues
 D'un maintien gracieux & en habits fort braues,
 Ils tiennent le deuant de ces troupes guerrieres,
 Demōstrant biē qu'ils sont les personnes premieres
 Apres eux vont de rang les quatre Caporaux,
 Gens de bonné façon, & à peu pres esgaux,
 Soit de grandeur de corps, de façon & de gestes,
 Superbes en habits, & aux armes bien lestes,
 Les Anspefades apres tiennent leur grauité,
 Marchant deuant les autres selon leur dignité.
 Il met apres ceux-cy deux rangs de Mousquetaires,
 Hommes bien agguerris & experts aux affaires,
 Là le flageol esclatte, la trompette sonnant,
 Là le phiffre fredonne, & le tambour battant,
 Les Bourgeois de Soissons suyuent ces instruments,
 Arrangez quatre à quatre faisant les suffisans,
 De huit cens Citoyens, il compose vne armee,
 Et faisant sa sortie il charge à l'arriuee,
 Comme quand vn Taureau a long temps resisté,
 Au genereux Lyon, qui estant irrité
 Leue tout aussi tost son estomach crigneux:
 Prenant nouuelle force, deuiant plus courageux,
 Il se bat tellement que de son coup doublé.
 Le Taurreau plein d'ardeur en demeure troublé,
 Alors tout furibond de son honneur jaloux,
 Se voyant surmonté se met en grand courroux:
 Erre par la campagne & s'en va menaçant,
 Le petit Leonceau, bien qu'il soit innocent:
 De hazard il le trouue iouiant parmy les champs,
 Qui ne se doute point de ces desseins meschans,

Il se iette dessus, il s'en va a l'encontre,
 Il le rompt par morceaux de premiere rencontre,
 De mesme de Mayenne, d'une guerriere ardeur,
 Voyant que nostre Roy estoit de luy vainqueur.
 Il met & taille en piece, ceux qu'il trouue escartez,
 Qui estoient par hazard aux murailles restez,
 Il combat fort & ferme, & les esclats pointus,
 Des piques & des lances vollent comme festus,
 Faisant resonner l'air, chacun des siens chamaille,
 A tort & à trauers qui d'estoc qui de taille,
 Aux vns vous eussiez veu d'une façon cruelle
 Du chef demy party decouller la ceruelle,
 L'un marche sur le ventre ayant d'un coutelas,
 Les jarrets tous coupez l'autre n'a plus de bras,
 Les vns percez à iour tout autour des murailles,
 Ont perdu avec l'ame l'honneur des funerailles.
 Là l'on ne voit que pleurs & qu'image de mort,
 L'on n'y voit que souspirs sans aucun reconfort.
 Les nostres pour cela ne crient le iou, iou,
 Ils ne s'effrayent point ils ont tous veu le lou,
 Au contraire Eleuf ressonne en la bataille
 Quand l'on entend parler que c'estoit la canaille,
 Du Coyon Florentin : lors vn chacun s'appaise,
 Et à cause du maistre chacun en chante d'aise,
 Bien mieux luy eust esté s'il fi fust présenté,
 Mais beaucoup mieux encore s'il s'y fust rencontré,
 La fortune a voulu qu'il n'allast au combat,
 Il estoit reserué pour nous seruir d'esbat,
 Je reuiens à Paris ie quitte là Soissons,
 Car Dieu a exaucé toutes nos oraisons.
 Nostre Roy s'ennuyant de voir sa pauvre France,
 Toute barbouillée d'Ancre, en a pris la vengeance,
 Les traistres sont punis, sa douceur outragée.
 O Princees genereux! est maintenant vengée,

Le tout est demasqué, ses Coyons ennemis,
 Ont receu le loyer du mal qu'ils ont commis.
 Reuenez maintenant si vous auez enuie,
 Reuenez braues Princes le Roy vous y conuie,
 Iettez vous à ses pieds, il est vostre Seigneur,
 Demandez luy pardon ce n'est point deshonneur,
 Il vous ayme & cherit, & en vostre presence,
 Il est autant ioyeux, que triste en vostre absence,
 Reuenez braues Princes Astres viuants de Mars,
 C'est assez demeuré aux perils & hazards,
 La France est maintenant en sa prosperité,
 Elle est en repos, & en tranquillité.
 Quand les vagues irrez menacent de naufrage,
 Les vaisseaux mal traittez, d'un tempestueux orage,
 Quand le Prince des vents, voulant prédre carriere,
 Appelle ses subjets & leur rompt la barriere,
 Ils soufflent tous si bien que la Nef est portée,
 A la triste mercy de la vague indomptée,
 Elle est bien en peril, car l'onde qui la berce,
 Deçà, delà, flotante, à demy la renuerse,
 Son mast presque brizé, ses voiles abbatus,
 Ses ais desempoiszez, de rames deuestus,
 Le maistre du nauire preuoyant la tempeste,
 Et le triste desastre qui luy pend sur la teste,
 Voyant qu'il a perdu toute son esperance,
 Iettel'Ancre en la mer attendant l'assurance,
 L'ocean se souleue & Thetis irritée,
 Se plaint au Dieu Neptun de sa force arrestee,
 Il menace le Nort & tous ses compagnons
 Renfermant leur Eole aux cauernes & valons.
 Lors petit à petit ja l'orage s'apaise,
 Et laisse voyager le Naucher à son aise,
 Lors Castor & Pollux les deux freres jumeaux
 Apparoissent en l'air plus sereins & plus beaux,
 Appaisant

Appaisant le courroux & l'hideuse menace
 D'Océan boursoufflé quand il montre sa face,
 De pareille façon nous auons veu la France,
 Qu'un Eole affligeoit d'ingrate outrecuidance,
 Bastissant sa fortune tousiours à ses despens,
 Pensoit la demolir iusques aux fondemens,
 Leuant Tailles, Imposts, il appauurit le Roy,
 Pour apres librement le mettre sous sa Loy;
 Mais vn clement Zephir d'un souffle gracieux
 S'efforce d'empescher le dessein vicieux,
 Aduertissant le Roy de toutes les menées,
 Que le traistre Conchin auoit desia tramées,
 Nostre petit Neptune de sa seule parole
 Chassa tout aussi tost les compagnons d'Eole,
 Commandant à Vitry de ietter l'Ancre à bas,
 Qui des biens de la France en faisoit vn amas.
 Vitry le remercie, promettant que bien tost
 Il verroit ce Coyon en eternal repos,
 Sans sçauoir que le peuple luy deust faire vn Couoy
 Par les rues de Paris, criant V I V E L E R O Y.
 Sortant d'oc hors du Louure pour faire bien sa main
 Il dist à quelques Gardes quand il verroit son train
 Qu'on le vint aduertir: ce qu'on n'oublia pas,
 Pour le mieux attrapper luy cherchant quelqu'apas
 On luy baille vne lettre à laquelle il s'amuse,
 Ne s'apperceuant pas que c'estoit vne ruse,
 Comme quand vn Veneur veut atraper le lieure,
 Il le fait arrester d'un sifflement de leure,
 Ainsi font ses soldats l'amusant de leur lettre,
 Tandis qu'haстиuement ils vont querir leur maistre,
 Qui met la main sur luy le trouuant sur le pont,
 Mais l'autre qui pensoit que ce fust vn affront,
 Veut tirer son espée, pour se mettre en defence,
 Sans estre toutesfois de longue resistance;

Car pout luy faire peur, tire vne Carabine,
 Laquelle par hazard trauese sa poitrine,
 D'autres tirent apres qui luy chargent le corps
 De trois ou quatre coups pour le mettre en repos,
 Luy ostant avec l'ame, ses grades, ses honneurs,
 Toutes ses dignitez & toutes ses faueurs,
 Lors petit à petit ja l'orage s'appaise,
 Et laisse reuenir les Princes à leur aise:
 Soissons & Longueville sont les deux Tyndarides
 qui retournent en Cour, voyant la terre humide,
 Du sang de ce Coyon, pour mercier le Roy,
 luy promettant tousiours de viure sous sa loy,
 Il est mort, disent-ils, ouy si l'on ne nous trompe,
 Mais qu'à-on fait de luy? quelle funebre pompe?
 qui pourra raconter, sans pleurs & sans tristesse,
 Combien il possedoit de biens & de richesse
 Pour apres contempler en quel piteux estat
 Son ambition le met, & comme elle l'abat.
 Apres l'auoir long temps hautement esleue,
 Par dessus le commun. Ha! quelle cruante,
 C'est moy qui le dira, sans aucune douleur,
 On ne peut enuers luy vser trop de rigueur.
 Sa vie estoit heureuse, sa fin est miserable,
 Escontez le Conuoy horrible, espouventable.
 Mourir: mais las! mourir, il est commun à tous,
 Mourir, mais bien mourir, n'est pas commu à tous,
 O pauvre Mareschal? ô patron de misere!
 Faut-il que tout le monde te soit ainsi contraire.
 Chacun te desiroit du mal durant ta vie,
 Chacun apres ta mort en passe son enuie.
 O despouille du temps! image d'inconstance,
 qu'es-tu donc maintenant que d'honneur la balâce?
 Chacun durant ta vie t'eust desiré voir mort:
 Tu l'es donc maintenant, mais ce n'est point à tort.

O Iouët de fortune! ô petit animal!
 que tu es miserable, & que tu as de mal,
 Le matin te void naistre & paroistre bien beau,
 Mais le soir t'est fascheux qui te mene au tombeau.
 O pauvre Lagopus tu n'as guere duré,
 Bien-tost apres ta mort l'on t'a viste enterré:
 Mais que dis-ie enterré, tes membres my-partis
 N'ont-ils pas vne fois encore veu Paris?
 Ouy, si ie ne me trompe sortant de S. Germain,
 Tu as veu le Pont-neuf avec vn fort grand train
 A quoy faire ce train, & les gens amassez,
 Et pourquoy suiuent-ils tes membres terrassez.
 C'est pour voir cest Aman qui d'iniuste vengeance
 Auoit pour Mardochee fait dresser la potence
 A laquelle il est mis, ils vont là pour l'attendre,
 Car ils sont desireux de voir son corps mort pendre,
 Ainsi le Tout-puissant les affaires reuire,
 Ainsi d'un mal vn bien subtilement te tire,
 Sa prouidence fait que l'iniuste poursuite,
 Faite contre les siens aux siens mesme profite.
 On luy coupe le Nez, les Doigts & les Oreilles:
 Chacun court eschauffé pour y veoir ces merueilles
 L'on veut veoir son honneur d'une iuste vengeance
 Degradé mis au bas & pillorié en France,
 Il n'y a dans Paris, si malotru coquin,
 qui de sa chair ne vueille auoir quelque lopin,
 Vn arrache sa langue, vn arrache ses yeux
 Comme n'estant pas digne de regarder les Cieux,
 Il n'est pas bon François qui sçache le dommage,
 Qu'il a fait autrefois qui ne luy face outrage,
 L'un au milieu des ruës de ses membres estalle,
 Vn autre luy arrache la partie genitale,
 On luy tire la barbe & son poil tout crotté,
 Bref par tous les endroits son corps est mal traité

Apres on le dépend pour luy monstrier la ville,
 Il passe par la Gréue, & va vers la Bastille:
 Où Monseigneur le Prince voyant cest'adventure,
 Prénoit desia bien tost sa sortie future:
 Le peuple le poursuyt qui de tureur, & d'ire,
 Frappe tousiours sur luy, & ses membres deschire:
 On le traîne par tout & son dos renuersé,
 De cent petits cailloux, est desia trauersé,
 O grande ignominie, o fortune seueré,
 Il retourne en la Greue, où il n'arreste guere,
 Car il veur visiter tous les autres endroits,
 Où le peuple l'attend, criant à haute voix,
 Viue le Roy vainqueur, qui a mis en franchise,
 Son Royaume de France qui estoit en maistrise,
 C'est luy qui terrassant la lerne de malheurs,
 A voulu mettre fin à toutes nos douleurs.
 Chacun attend ce corps la publique clameur,
 Demonstrant bien la ioye qu'en receuoit le cœur,
 A la place Mauber il a son ordinaire,
 Et le plus grand Monsieur luy est le plus contraire,
 Le Bourgeois du quartier interrompt son voyage,
 Et s'acharne sur luy d'une si grande rage,
 Qu'il ne reste aucun nerf, artère, ny tendon,
 Qui se puisse exempter de cent coups de baston.
 Ceux qui sur le Pont Neuf ont attrapé sa main,
 La brûllent à Cambray: tandis qu'à S. Germain
 On s'en va consommer le reste de son corps,
 Pour mettre fin finale aux iniures & aux tords,
 Un va marchant deuant avecque son fagot,
 Un y porte la paille, & l'autre son sabot,
 Il n'y a dans Paris si meschante fruitiere,
 Qui ne baille un cottret, si pauvre Sauatiere,
 Qui ne baille les formes de son pauvre mary,
 Pour mettre fin à l'œuvre du Seigneur de Vitry.

Que dis-ie mettre fin on le retrayne encore,
 Ce n'est pas là qu'on veut que le feu le deuore,
 Il faut qu'il soit bruslé avecque sa potence,
 Pour dernier chastiment de sa derniere offence,
 Terre tu n'as voulu luy seruir de tombeau,
 Ses cendres s'en iront se purger dedans l'eau:
 A celle fin que ceux qui le voudront chanter,
 En cela seulement ils le puissent vanter,
 Que son corps composé de tous les Elements,
 A esté tourmenté par tous les Elements.

*Apres auoir esté en la terre enterré,
 Il fut en l'air pendu quand on l'eut deterré,
 Il passa par le feu, ou il fut consommé,
 Il fut ietté dans l'eau où il est demeuré.*

Je voudrois bien pouuoir tant faire
 De plaire à tous à nul desplaire,
 Mais il n'est pas permis aux Dieux
 Pourquoi voudrois-je faire mieux.

